

PALASU HWY

**CYFLEOEDD A
CHYDWEITHWYR**



CYFLEOEDD A CHYDWEITHWYR – BETH AM DDOD YNGHYD!

Dyma restr o ddigwyddiadau cymunedol eraill y gallwch chi a'ch tîm o Grewyr gymryd rhan ynddynt - wedi'u coladu'n daclus fesul mis trwy gydol y flwyddyn ...

IONAWR

HER MIS IONAWR

Bob blwyddyn, mae miloedd o bobl yn cymryd rhan yn y digwyddiad 31 diwrnod 64 Miliwn o Artistiaid o heriau creadigol am ddim. Cynhelir [Her Mis Ionawr](#) ar draws cyfryngau cymdeithasol ac mae'n hybu creadigrwydd, cefnogaeth gan gymheiriaid a llesiant. Yn 2020 byddant yn canolbwyntio ar lesiant creadigol yn y gweithle ac maent yn cynnig profiad wedi'i deilwra i bob math o sefydliad gwahanol. Dyma ffordd wych o gychwyn eich blwyddyn yn y gwaith neu fel arall.

CHWEFROR

MIS HANES LHDT

Hybu cydraddoldeb ac amrywiaeth er budd y cyhoedd. Cynyddu gweladwyedd pobl lesbiaidd, hoyw, deurywiol a thrawsryw ("LHDT"), eu hanes, eu bywydau a'u profiadau yng nghwricwlwm a diwylliant sefydliadau addysg, sefydliadau eraill a'r gymuned ehangach. [Mwy o wybodaeth yma.](#)

MAWRTH

WYTHNOS GWYDDONIAETH PRYDAIN

Mae'r Gymdeithas Gwyddoniaeth Brydeinig yn rhedeg [Wythnos Gwyddoniaeth Prydain](#) bob mis Mawrth ac yn croesawu cyfranogiad unrhyw un sydd â diddordeb mewn gwyddoniaeth a digwyddiadau lleol. Fel Crëwr Palas Hwyl, efallai y byddwch am greu cysylltiad â changen leol y GGB, ymuno â'u digwyddiadau a'u gwahodd i gyfrannu at eich un chi. Y dyddiadau eleni yw 5-14 Mawrth.

MAI



GŴYL AGE OF CREATIVITY

Mae Age of Creativity yn cefnogi gweithwyr proffesiynol yn y sectorau celfyddydau, iechyd, diwylliant, gofal cymdeithasol, gwirfoddol a chymunedol a'r byd academiaidd i gymryd rhan mewn digwyddiadau creadigol a mwynhau gwell iechyd, llesiant ac ansawdd bywyd. Bydd Age of Creativity yn rhedeg rhwng 1 a 31 Mai 2021. [Mwy o wybodaeth](#).

Y PENWYTHNOS BUSNES CYMUNEDOL

Mae'r Penwythnos Busnes Cymunedol yn dathlu 7000+ o fusnesau cymunedol sydd â pherchnogion lleol ar draws Lloegr. Agorodd 225 o fusnesau cymunedol eu drysau yn 2018, gan ddefnyddio'r penwythnos hir i ddangos eu heffaith gadarnhaol ar gymdeithas ac adrodd eu storïau llwyddiant.

GET CREATIVE

Rhedir Get Creative gan grŵp o sefydliadau diwylliannol i ddathlu a chefnogi'r gofodau digwyddiadau creadigol ar draws y Deyrnas Unedig. Mae'n anelu at ysbrydoli pobl i roi cynnig ar rywbeth newydd adref neu yn ystod Gŵyl flynyddol Get Creative, 8-16 Mai 2021. I gymryd rhan [cliciwch yma](#).

MEHEFIN

Y CINIO MAWR

Mae'r [Cinio Mawr](#) yn galw ar gymunedau i gymryd rhan mewn ymgyrch flynyddol y Deyrnas Unedig i gymdogion ddod ynghyd trwy gynnal eu Cinio Mawr eu hunain. Mae trefnu Cinio Mawr gyda'ch cymdogion yn ffordd wych o gychwyn sgorsiau am eich Palas Hwyl - pwy a wŷr beth y gallech ei ddyfeisio dros ginio? Eleni fe'i cynhelir ar 5 a 6 Mehefin 2021.

DIWRNOD CREU CERDDORIAETH

Mae'r [Diwrnod Creu Cerddoriaeth](#) yn ddathliad am ddim o gerddoriaeth o bob cwr o'r byd ac yn digwydd ar 21 Mehefin 2021. Fe'i lanswyd yn Ffrainc ym 1982 fel Fête de la Musique ac erbyn hyn mae'n cael ei gynnal ar yr un diwrnod mewn mwy na 1,000 o ddinasoedd mewn 120 o wledydd. Mae'n agored am ddim i'r cyhoedd ac i unrhyw un sydd eisiau cymryd rhan ynddo.

MEDI

DIWRNODAU TREFTADAETH AGORED

Diwrnodau Treftadaeth Agored yw gŵyl hanes a diwylliant fwyaf Lloegr. Bob blwyddyn mae



lleoedd ledled y wlad yn agor eu drysau i ddathlu eu treftadaeth, cymuned a hanes. Gallwch weld lleoedd cuddiedig a rhoi cynnig ar brofiadau newydd. Cynhelir Diwrnodau Treftadaeth Agored 2021 rhwng 10 a 19 Medi. [Rho gip ar eu gwefan](#) i weld sut y gallwch chi gymryd rhan.

HYDREF

PALASAU HWYL! (roeddech chi'n gwybod hynny, ie?)

Eleni mae'n 1/2/3 Hydref 2021.

SILVER SUNDAY

Mae Silver Sunday yn darparu cyfle i awdurdodau lleol, elusennau, grwpiau cymunedol a sefydliadau preifat, gwirfoddol a chyhoeddus hybu'r hyn y maent eisoes yn ei wneud i liniaru unigedd ac unigrwydd cymdeithasol ymysg pobl hŷn. Eleni mae'n digwydd ar 3 Hydref 2021, felly os ydych yn hŷn neu'n creu Palas Hwyl gyda phobl hŷn, cofrestrwch eich Palas Hwyl ar gyfer Silver Sunday hefyd. [Mwy o wybodaeth](#).

MIS HANES POBL DDUON

Mae Mis Hanes Pobl Dduon, sy'n digwydd trwy gydol mis Hydref, yn gyfle i gofio'r gorffennol ac edrych ymlaen at y dyfodol, gan ddod ynghyd i adnewyddu ein hymrwymiad i gydraddoldeb hiliol. Gan ei fod hyn digwydd yn ystod mis Hydref (yn y Deyrnas Unedig) bob blwyddyn, mae'n gyfle gwych i godi awydd am hanes lleol a dysgu yn eich Palas Hwyl. [Mis Hanes Pobl Dduon](#).

... A dyma gwpl o sefydliadau sy'n gwneud pethau gwych trwy gydol y flwyddyn:

RE-ENGAGE

Mae Re-Engage yn dod â phobl hŷn ynghyd mewn grwpiau cymdeithasol mewn cyfnod yn eu bywydau pan fydd eu cylchoedd cymdeithasol yn lleihau. Y llynedd, roedd dros 7,000 o westeion hŷn yn rhan o 900 o grwpiau ar draws y Deyrnas Unedig, wedi'u cefnogi gan 12,000 o wirfoddolwyr. Bwrw golwg ar eu gwefan i [weld a oes grŵp yn eich ardal chi](#) – efallai y gallant fod yn rhan o'ch Palas Hwyl eleni.

WHAT NEXT?

Mae What Next? yn fudiad Deyrnas Unedig gyfan sy'n dod â phobl ynghyd i fynegi, cryfhau ac eirioli dros rôl diwylliant yn ein cymdeithas. Mae urddau lleol ar draws y Deyrnas Unedig y maent yn dod â phobl sy'n gweithio yn myd diwylliant neu'n angerddol drosto ynghyd, i ymdrin â materion sydd o bwys iddynt. WN? Mae'r Urddau'n ffordd wych o gwrdd â phobl a



allai fod yn frwd dros gymryd rhan yn eich Palas Hwyl, lledaenu'r gair, ac yn bwysicaf oll, rhoi eich Palas Hwyl yng nghyd-destun trafodaethau gwleidyddol am y celfyddydau a diwylliant yn eich ardal. Mae mwy o wybodaeth [yma](#).

THE GREAT GET TOGETHER

Ysbrydolir The Great Get Together gan y diweddar Jo Cox AS, a laddwyd ar 16 Mehefin 2016. Yn ei haraith gyntaf yn Senedd y DU, meddai Jo: “Mae gennym fwy mewn cyffredin na'r hyn sy'n ein gwahanu.” Mae The Great Get Together yn cynnal nifer o ddigwyddiadau ledled y DU trwy gydol y flwyddyn, [Mwy o wybodaeth](#).